

# Powšitkowne WOZJEWJENJA

njedźelu, 2. septembra 2012

## Nyšpor z požohnowanjom konjacych zapřahow

Towarstwo Cyrila a Metoda z.t., sekcija wěda a skutk, přeprašuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže njedźelu, 30. septembra, w 14 hodź. w Chrósćicach na łuce při Hatkach (za starownju). Na nyšporje požohnuja so konjace zapřahi.

## Duchowna hudźba w tachantskej cyrkwi

W rjedže duchowneje hudźby w Budyskej tachantskej cyrkwi njedźelu, 2. septembra, we 18 hodź. předstaji sopranistka Daniela Hazec z ansamblom „Ilha Formosa“ – Bettina Witke na wiolinje, Matthias Schella na wioli, Yi Ping Tsai na fagoće a Markus Wolf na cembalu – program z twórbami Händela, Telemanna, Buxtehudeho a Bacha. Wšitcy su wutrobnje přeprašeni.

## Wujednać so, hdyž maš chorość a smjerc před wočomaj

Ambulantna hospicna služba Carity přeprašuje wšitkich zajimcow na přednošk k temje „... a potom so zaso znjesemy?“ – wo wujednanju, hdyž maš chorość a smjerc před wočomaj – pónđzlu, 3. septembra, we 18 hodź. w ewangelskej wosadnicy na Angeru/Połčničanskej dróze w Kamjencu. Přednošować budže něhdyša dušepastyrka w Kamjenskej chorowni swjateho Jana, Anne Kruse.

## Wosebite wjedženje po wustajeńcy fotow Pawoła Roty w Serbskim muzeju

Poslednja składnosć awtora wobrazow Pawoła Rotu a kuratora a zestajerja wustajeńcy, Budyskeho fotografa Jürgena Maćija, we wustajeńcy fotow Pawoła Roty ze zašlych 50 lět dožiwić, skići so srjedu, 5. septembra, we 18 hodź. Wobaj powjedžetaj zhromadnje po wustajeńcy w Budyskim Serbskim muzeju na hrodze. Wopytowarjow wočakuje tójšto zajimawych stawizničkow a informacijow k wobrazam a jich nastaća.

## Swjedzeń na putniskim puću

Wšitcy, kotřiž su hižo po Jakobowym puću putnikowali abo kotřiž so z myslu noša, na putnikowanje so podać, su pjatk, 7. septembra, w 19 hodź. přeprašeni do noweje putniskeje hospody (Pilgerhäusl) w Hirschfeldze, Komturgasse. Sobotu, 8. septembra, wotměje so tam na džělu Jakoboweho puća swjedzeń. Na džewjeć stacijach kołowokoło putniskeje hospody změja mjez 14 a 17 hodź. wšelake stacije spřihotowane. K programej słušeja na přikład pytanje poklada, hry, molowanje na plestr a wšelake wustajeńcy. Štóz wšitke stacije wopyta a sej kołk do wosebiteho „putniskeho“ pasa wotewza, dóstanje darik jako dopomnjenku. Z nyšporom w susodnej katolskej cyrkwi so swjedzeń zakónči.

## 20 lět Dom biskopa Bena

Smochčanski Dom biskopa Bena woswjeći njedźelu, 9. septembra, swoje 20lětne wobstaće. W 10.30 hodź. budže swójbna Boža mša z emeritowanym biskopom Joachimom Reineltom. Kemšam přizamknu so wšelake poskitki. Swjedženska njedźela zakónči so w 16 hodź. z koncertom Radworskeho chóra Meja.

## Nyšpor w Drježdźanach

Serbja w Drježdźanach, jich přiwuzni a přećeljo su přeprošeni na ekumeniski nyšpor sobotu, 15. septembra, w 15 hodź. do cyrkwy swjateho Józefa w Drježdźanach-Pieschenje, Rehefeldska 61. Po nyšporje z fararjom Michałom Andersom změje wón w Šoćic kofejowni přednošk wo swoich zajimawych slědženjach w starych Klóšterskich zapisach. Přizamknje so serbska bjesada.

*Marjana Bubnarjec*

## Rejwanske dźiwadlo

Balet, chór a orchester Serbskeho ludoweho ansambla (SLA) předstaja rejwanske dźiwadlo „Serbska swoboda – Ein Stück Freiheit“ sobotu, 8. septembra, w 19.30 hodź. w Chróšćanskej „Jednoće“. W inscenaciji rozestajeja so wuměłcy z přiběracej napjatosću mjez swobodu a wotwornosću, mjez modernu a tradiciju, w kotrejž su Serbja džensa žiwi. Z Budyšina zasadži so bus, kotryž wotjědže we 18.30 hodź. na dworje SLA. Přizjewjenja za bus su móžne pod telefonowym čisłom (0 35 91) 35 81 11.